


Genesis 3



Da Adam ifariŋ' finingan biŋangan Ifa (waingan ibi 'maranta'an'). I arañan isu garam gar maranta'an sib aŋu rinangan.



Apu buman santan Anutu Yawe taŋindan ugu da mur isu apu mararuru tsira' i nan umpur iyu'an. Gubu' maŋan da mur iwa' da sagat da igutin, "Ama'! Nan nidzun i Anutu nidan da agam i anuŋ' gada gai nidzun santan miŋ'a gum ani?"



Da sagat ini mur nifungan muḡa' ibiani, "Ima', aga saḡ' i gada gai sib aḡu muntida gum wasa' ani nidzungan, da bitsinta' Anutu ifai nan babampafan i agai i gai bits muntida wasa' i gum ani aga anuḡ' gadan ma gifan u, bida aga naḡa bidanigi da aga buḡ' amamp."



3

Da mur ini bina', "Ima'! Nan umpur! Agam wasaḡ' i mampan u. Anutu ini ibinigi i arangan isru'gin sib i bida agam gadan da agam maram buḡ' antap ruan da agam buḡ' asaḡ' Anutu i sru'a i nam bini da nam maisan."




4

Sagat itsaḡan gai nidzun igi iwa' ḡarubini biḡan i maraḡan da idaum aḡu i gadan da uda mararuru. Ibinigi da arangan ipis fain da igan, ida imus rima fain da gabuḡan igan impru' ibinigi.



5

Gubu' rib iru' igi gada sib da suḡ biḡan aḡu maran intap ruan da irarab ruan ratar i mpada ragi daḡunt; ibinigi da ribaraḡan idanḡin gai yafan tsira' impru' ruan da iraiḡ' sib i ruan.



6




Da Anutu Yawe inu' garam, "U mpa aruanuḡ'?" Da garam inu' ini Anutu Yawe nifungan muḡa' ba, "Dzi riḡant i u yuḡa gum wasa' badan, ibinigi da dzi rat da dzi kup, i dzi mpa ragi daḡunt." Da Anutu igutin, "Maḡa ni da agu i u daḡuntan? U maga gai nidzun dzi pa'a agu gin ugu, ma?"

7

Da garam itip ini Anutu Yawe nifungan muḡa' ibiani, "Sagat u taḡindan da dzi ugu irim gai igi nidzungan fain da dzi da dzi gan." Da Anutu Yawe igut i sagat ini bina', "U bunḡ ibinigi iya'?" Da sagat ini Anutu Yawe nifungan muḡa' ibiani, "Mur isu umpur da dzi da dzi gan."



8



Ibinigi da Anutu Yawe iwat arañan rai i gum Iden i naja gum i intap aru tipa arañan gin ugu.

9



Iwat garam rai iwa' sinuñ' gum igi sib da Arañan itañin nam maranta'an gunuñun fain nida tserubim da bainat bururuñan marisa i ruan imiñ' gubu' yaban i gum Iden da imunti sib i gai rima maranta'an.

10



Adam irut finingan Ifa impai da arañan finingan iwañun da yapiñ' Kein. Da Ifa ini, "Yawe irim dzi sib da dzi yapiñ' naruñ' marub." Raiyi da Ifa itip irim Kein raingan Abel. Gubu' Abel yiñ'a sib da inañ guman mpada tayañ' dumpa da nuniñ, da Kein inañ guman rafa gum.

11



Gubu' mañan da Kein iyu nam gadan fain imiñ' guman da irim dañki gin ifan da Yawe. Da Abel ibinigi iyu apu bini imiñ' dumpa gan fain narun miamun gin da isaf da iyu nagaran bini da irim isu dañki ifan da Yawe.

12



Yawe nugun inuf nidzun aju i Abel impru' da gan dañki gan, da bitsinta' nugun wanuf i Kein da gan dañki gan u. Ibinigi da Kein nugun itsakia nidzun da iguruñur tsira' biñan.

13



Da Kein ini da raingan Abel ini bina', "Abel, agi yuñra rai rai aju wa'a gum." Gubu' ribarañan wa'a sib gum, da Kein yitam i ruan da yis raingan funub.

14

Raiyi da Yawe igut i Kein ini bina', "Da u raingam Abel anuŋ'?" Da arānani ini, "Dzi wasru'gin u. Mai! Dzi masu wain i mpada tayan' raingaj'?" Ibinigi da Kein itaŋin Yawe marangan rai da ifa mpa intap Nod imij' gubu' yaban i Iden.



15

Raiyi da Adam itip irut finingan Ifa impai da finingan iwaŋun da irim narun marub, da ifariŋ' arānani biŋangan Set (waingan ibi 'irim') da ini, "Anutu irim mama' narun maŋan da dzi i uda Abel fagangan aru Kein isa funub ugu."



16

Gubu' Set wa'a sib, da Adam itip impa udzuf 800 da irim narun rusan marub da finam fain. Mpru'a Adam udzufan mpada marata' rutin da isanj' 930 da arānani imamp.



17

Da Yawe itsaŋani garam gar santan i nangan maisan naŋan da maran fura nam maisan nidzun aŋu bida nam bini isu gudzufugun i ribaraŋani.



18

Ibinigi da arānani ini, "Dzi buŋ' asiat garam gar santan dzi taŋindan rai sinuŋ' intap, garam gar da apu maranta'an santan mpada intap da dzufan. Dzi waŋuŋ' ibarabin i dzi taŋin ribaraŋani."




19

Da bitsinta' Yawe nugun inuf i Noa aŋu. Noa irim narun rusan iru' da bits: Sem da Ham da Yafet.



20



2

60

21

Genesis 3 - 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Adzera Bible (adz) © 2009 Wycliffe Bible Translators,
Inc. All rights reserved.

<https://www.bible.com/bible/1229/GEN.1.ADZ>

©2024 Bible for Children, Inc.
www.M1914.org www.bibleforchildren.org

22